

Ո Ր Ո Շ ՈՒ Մ

Ճանապարհային ոստիկանության. վարչական տույժ նշանակելու մասին 24.11.2015թ. թիվ 1503896180 որոշումն անփոփոխ, իսկ վարչական բողոքն առանց բավարարման թողնելու մասին

<<04>> 12 2015թ. 77-4-24780

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ա.Հակոբյանս, վերանայելով Արմեն Մկրտչյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Մոսկովյան փողոցի 36 շենքի 8 բնակարանի բնակիչ Արմեն Մկրտչյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 24.11.2015թ. թիվ 1503896180 որոշումը՝ նշելով, որ իր ավտոմոբիլը կայանել է 6.4 <<Կայանման տեղ>> ճանապարհային նշանի ազդման գոտում:

Դիմումի քննարկման արդյունքում պարզվել է, որ դիմումատուի փաստարկը չի կարող վարչական ակտը վերանայելու հիմք հանդիսանալ հետևյալ պատճառաբանությամբ.

ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման 84 կետի 4-րդ ենթակետի համաձայն՝ կանգառն արգելվում է հետիոտնայի անցումների վրա և երթևեկելի մասի հետ հետիոտնային անցումների շփման եզրերից (դեպի երթևեկելի մասեր) 5 մ պակաս վայրում:

Վիճարկվող որոշման հիմքում դրված տեսանյութը փաստում է, որ դիմումատուին պատկանող տրանսպորտային միջոցը 15.11.2015թ. ժամը 16²⁸-ին կանգառ է կատարել Թամանյան-Բսահակյան փողոցների խաչմերուկի հատվածում՝ կանգառն արգելված հետիոտնային անցումի շփման եզրից 5 մ պակաս վայրում:

Ինչ վերաբերվում է դիմումատուի պնդմանը՝ 6.4 <<Կայանման տեղ>> ճանապարհային նշանի ազդման գոտում կայանելու վերաբերյալ, ապա տեսանյութի լրացուցիչ ուսումնասիրությունից պարզվել է, որ վերջինիս ավտոմոբիլը կայանվել է մինչև 6.4 ճանապարհային նշանի ազդման գոտին, քանի որ այն տեղադրված է վերը նշված նորմով սահմանված հեռավորության պահպանմամբ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության. վարչական տույժ նշանակելու մասին 24.11.2015թ. թիվ 1503896180 որոշումը թողնել անփոփոխ, իսկ վարչական բողոքն առանց բավարարման:

2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

3. Սույն որոշման օրինակն ուղարկել Արմեն Մկրտչյանին և ՃՈ ՏՄՀԽԱ կենտրոն:



Ա.Հակոբյան